

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli Timor-Leste/ Mobile + 670 7799 9304, 7724 2717/ forumong.tl@gmail.com, timordiak@gmail.com/ <https://fongtl.org.tl/>

RELATORIU MONITORIZASAUN VASINA DALA SANULU RESIN HITU 11 – 13 Outubro 2021

1. Introdusaun

Forum ONG Timor-Leste (FONGTIL) nia membru hamutuk 20 mak halo monitorizasaun iha Munisipiu 12 no RAEOA, ho objetivu atu garante partisipasaun sidadaun hotu no suporta governu hodi hadi'a prestasaun servisu liu-liu parte vasinasaun hodi aseguira prevensaun moras COVID-19 iha Timor-Leste.

Monitorizasaun sira halo regularmente kada semana FONGTIL organiza ninia membru, tuir mata dalan monitorizasaun ne'be kria ona ho pontuasaun valor 1 to'o 3 (1 ladi'ak, 2 natoon no 3 di'ak/di'ak liu), pergunta sira monitorizasaun mak hanesan tuir mai:

Tabela 1. PerguntaMonitorizasaun

| No | PerguntaMonitorizasaun |
|----|--|
| 1 | Oinsá esforsu hodi hasa'e konsiénsia comunidade nian kona-ba importánsia simu Vasina? |
| 2 | Oinsá prosesu atendentu pesoál saúde iha facilidade saúde sira? |
| 3 | Oinsá preparasaun lojistiku no ai-moruk vasina nian iha facilidade saúde, suficiente? |
| 4 | Oinsá ho apoia husi lider komunitária sira ou parte relevante sira hodi hasa'e taxa Partisipasaunihavasina? |
| 5 | Oinsá taxa partisipasaun comunidade nian iha vasinasaun? |
| 6 | Oinsá perspetiva comunidade, ou parte relevante sira kona-ba vasina iha fatin ne'e? |
| 7 | Husi monitorizasaun sira mak halo ona iha tempu sira liu ba oinsá ho ninia progresu? |
| 8 | oinsa apoio no partisipasaun organizaun sosiedade sivil liu-liu membro FONGTIL, hodi hasa'e taxa partisipasaun |


Husi data 11 toó 13 Outubro, membru FONGTIL halo ona monitorizasaun iha munisipius 10 no RAEOA nee'be kobre sentru vasinasaun hamutuk 40. Kona ba informasaun detallu bele hare iha tabele tuir mai

| Naran ONG | Fatin Monitoring | Municipiu |
|---|---|-----------|
| Asosiasaun Moris Foun Manatuto (AMF Manatuto) | Centru Saude Manatutu, Centru Saude Suco Cribas, Centru Saude Suco Iliheu | Manatuto |

| | | |
|--|---|----------|
| Aliansa Nacional Controlo Tabaco – Timor-Leste Forum Tau Matan (FTM) Juventude Inovativu (JI) Sharis HaburasComunidade | Sentru Saúde Vera Cruz, Suku Caicoli Centro Formosa Klinika Maternidade Fatumeta, Suku Bairo-Pite, Sentru Saúde Comunitaria Becora, Suku Becora, Sentru Saúde Lenuk -Hun, Suku Camea, | Dili |
| Centro ComunidadeCovalima | Klinika Suai villa, suku Debos | Covalima |
| Radio Komunidade Tokodede Associação KADORAS | Posto Sentro Saude Maubara.Suku Vaviquinia Sentru Saude Liquica Vila | Liquica |
| Unidade Feto Ba Dezenvolvimentu (UFD) Fundasaun Uma PAS Baucau (F-UPB) | Sentru Saude Bucoli-PA Baucau | Baucau |
| | Sentru Saude Uailili,PA- Baucau | |
| | Sentru Saude Riamari,PA Baucau | |
| | Suku Sagadate, Aldeia Beliwali | |
| | Suku Samalari,Aldeia Lalulai | |
| NGO FUNERO LOSPALOS FUILORO ONG PROSPEK | CENTRO SAUDE LOSPASLOS FUILORO | Lautem |
| | Cede Aldeia kuluhun FUILORO Lospalos | |
| | Sentru Saude Lautem | |
| Hametin Democrasia no Igualidade HDI ONG Institutu Matadalan Integradu IMI SJME | Posto Saude Suco Matata | Ermera |
| | Sentro Vasinasaun Sede Suco Lihu | |
| | Sentro Vasinasaun Sede Aldeia Palimanu Suco Fatuqero | |
| | Sentru saude Letefoho | |
| | Sucu Catrai-Caraic | |
| | Suco Lauana Posto Saude Aldeia Leubasa | |
| | Aldeia Urluli Suco Poetete, P.V. Aldeia Hatupose Suco Ponilala, P.V. Aldeia Titihar Suco Leguimea | |
| | Aldeia Hatupose Suco Ponilala Aldeia Titihar Suco Leguimea | |
| KnuaHaberanComunidade (KHC) | Sentru vasinsaun Carau balu | Viqueque |
| Lifau We'e Suli (LSW) Rede Informasaun Oecusse (REINO) | Sonamnasi,Kiupanaf,banoco. (CHC Baqui, Cunha no Lalisuk, | RAEOA |
| | Post Healt Banoco (Suco Lalisu aldeia banoco,padiae no Suco Costa Aldeia Masin) | |
| | Post Healt Banoco (Suco Lalisu aldeia banoco,padiae no Suco Costa Aldeia Masin) | |

| | | |
|-------------------------|---|----------|
| | Sede Aldeia Leolbatan (Sentru Saude Baqui/Post Health Oelulan, Suco Costa Sentru Saude Baqui, Suco Naimeco/Aldeia Baqui, | |
| Fundasaun NAFOFILA | Posto Saúde Mau-nuno (Suku Mau-nuno),Centro Saúde Comunitario Ainaro | Ainaro |
| Fundasaun Haburas Moris | Sentru Saúde Balibo Suku Balibo Villa Sentru Saúde Ritabou, Suku Holsa Sentru Saúde Cailco, Suku Miligo | Bobonaro |


Gráfiuku 1: Persentajen ba Kritériu Jerál Monitorizasaun nian



Husi kritériu jerál monitorizasaun nian husi sentru vasinasaun 40, hatudu progresu di'ak iha pergunta Dahuluk ho persentazen 59,02% oinsa esforsu hodi hasae konsensia komunidadade nian kona ba implementasaun simu vasina, Daruak ne'e kona ba prosesu atendementu pesoal saude sira iha fasilidade saude sira ho 62,30%, datoluk kona ba preparasaun lojistiku no aimoruk vasina nian iha fasilidade saude ho 57,38% no Dahatkona ba apoiu lider


komunitaria sira ou parte relevante sira hodi hasae taxa partisipasaun iha vasina ho 65,57% ne'e hatudu katak iha lider komunitaria servisu makas los hodi apoiu ba vasina saun, pergunta ne'ebé sei presiza fó atensaun barak liu iha futuru mak kona-ba pergunta dalima kona ba partisipasaun komunidadade nian iha vasina, Daneen kona ba prespetiva komunidadade kona ba fatin vasina sira nebe sidauk iha asesibilidade no hijene iha fatin vasinasaun, dahitu kona oinsá progresu no follow up ba rekomendasaun husi monitorizasaun liu ba no daualu kona ba apoiu no partisipasaun Organizaun sosiedade sivil liu-liu membru FONGTIL hodi hasae Taxa Partisipasaun.

2. Partisipasaun Jerál



Iha periodu semana loron 11-13 outubru 2021, partisipasaun komunidadade ba vasina ladun sae, husi fatin monitorizasaun 40 mak ekipa halo monitorizasaun deskobre membru komunidadade total hamutuk 4,810 mak partisipa iha vasina. Rezultadu monitorizasaun ba fatin vasina iha munisipiu 10 no RAEOA hatudu taxa partisipasaun bo'ot liu iha munisipiu Dili priense 22,74%, tuir fali mak Covalima ho 16,76%, Manatutu ho 10.89% no Ermera ho 10,17%, enkuantu iha munisipiu seluk iha semana ne taxa partisipasaun ki'ik liu kompara ho semana kotuk nian. Númeru komunidadade ba simu vasina Doze Dahuluk barak liu, ida ne'e akontese iha munisipiu Ermera, Ainaro, Covalima, no, kompara ho sira doze daruak barak liu iha muncipiu Dili, viqueque, Baucau, Lautem, Manatutu, Bobonaro no RAEOA ne'e sa'e maka'as liu.

3: Partisipasaun Feto no ema ho Defisiénsia



Partisipasaun Feto, mane no ema ho Defisiénsia

Haree iha gráfiku partisipasaun feto no Mane nomos ema ho defisiénsia hatudu númeru mak laiha diferente, tantu iha vasinasaun doze primeiru no vasinasaun doze segundu. Enjerál partisipasaun feto sae makas ho persentu 49,90% kompara ho partisipasaun mane ho pursentu 48,81% no Ema ho defisiensia hetan 0,35%, tanba semana ne'e númeru partisipasaun feto barak liu mai munisipiu, Liquica, Viqueque, Ainaro, Manatutu no Lautem, nune'e Dili prienxe feto 537 (47,76% feto husi total populasaun mak tuir vasina iha munisipiu Dili) 11-13 outubro kobre fatin monitorizasaun 40. Iha sorin seluk partisipasaun ema

ho defisiénsia hamutuk na'in 17 ho persentajen 0.35% mak partisipa, iha munisipiu Ermera mak numeru as liu EhD nebe partisipa vasina ho 16, ho ida ne'e municipiu Ermera hatudu indikasaun pozitivu maske nune'e presiza fó atensaun nafatin liu-liu iha munisipiu sira seluk. Hodi nune'e

maluk sira ho defisiensia mos hola parte ba vasinasaun no idozus sira mos hola parte barak liu iha vasina

4. Konkluzau no Rekomendasaun

Husi Rezultadu monitorizasaun ne'ebé hala'ó ba fatin sentru vasina 40 iha munisipiu 11 no RAEOA iha semana ne'e husi 11-13 outubru 2021 hatudu katak ladun iha progresu pozitivu tuir pergunta sira mak ekipa monitorizasaun husu, hanesan deskreve ona iha leten katak fatin vasinasaun balun ninia dezempeñu di'ak tebes maibe iha fatin seluk ladun partisipasaun masimu, ezemplu hanesan iha municipiu Ermera wainhira iha kampanha partisipasaun iha maibe sidauk masimu no nafatin aprosima comunidade atu bele hola parte iha vasina, nune'e mos iha municipiu lautem comunidade hola parte iha vasina diak los maibe balu sei iha duvidas nafatin, iha sorin seluk hare'e husi avaliasaun jerál tuir kritériu jerál iha progresu pozitivu kona-ba apoiu husi lider komunitaria hodi hasae konsensia comunidade nian ba importansia husi vasina sira no atendentu pesoál saúde ba ita nia comunidade sira maski persentazen kiik maibe iha mudansa naton ona. Maske nune'e sei iha preokupasaun sira sei mosu husi monitorizasaun hanesan:

- 1) Esforsu barak pesoal saude sira halo ona hanesan iha RAEOA sentru saude balu liga ba atendentu saude ba comunidade sempre koko tensaun no konsulta antes fo vasinasaun, no pesoal saude sempre esplika kona ba importansia vasina nia ba comunidade.
- 2) Iha lautem laiha problema kona ba lojistika ai-moruk ne'ebe uja hodi sona ba comunidade sira laiha problema tamba iha fatin seguru tebes maibe fatin ne'e be mak uja hodi tau ai- moruk hanesan paraetamol nebe kuandu pasien sona hotu tenque simu fatin tau ai- moruk mak menus tebes hanesan plastik nebe tau ai- moruk nune pesoal saude sira uja kertas/ surat tahan hodi maibe ai- moruk seguru hela.
- 3) Iha maubara pesoal saude sira kestiona Kona ba logistic nian tamba sira sente oras ne'e dadauk parte konjelador ladun suficiente hodi rai ai moruk vasina tamba lakleur tan sei simu ai moruk Pfizer hodi kontinua halo vasina ba labarik sira ho idade 12 to'ó 17 iha municipiu Liquica tantu iha municipiu sira seluk iha Timor Laran Tomak
- 4) Taxa partisipasaun membru comunidade sira iha sentru saude komunitaria becora menus tanba membru comunidade barak mak simu ona vacina tanba ne'e ema menus mai simu vacina ita kompara ho loron primeiru, lia hirak ne'e hato'ó husi membru comunidade husi suku Becora no agora dadaun parte postu Cristu-Rei ema kuaze simu hotu ona vacina tanba membru comunidade hakarak lao ba mai livre tanba ne'e sira mai simu hotu ona vacina iha parte seluk mos sira kumpriende diak konaba importansia husi vacina ne'e rasik , iha sorin seluk mos ema ho idosus balun inklui ho inan isin rua sira barak mak seidauk simu vacina .
- 5) Iha sentru saude Ainaro Komunitade sira lamenta ho pesoal saude sira tamba sira hakarak simu vasina maibe pesoal saude la atende tamba sira fila tia tuku 2 no atendimento loraik fali maibe comunidade hamlaha balu fila no la consege simu vasina.

- 6) Husi monitorizasaun liu, progresu neebe observa husi monitorizasaun sira maioria comunidade komprende ona tanba nota katak informasaun barak mak relata husi parte saude/Doutora sira no ajuda mos husi autoridade sira kona ba progresu ka vantajen simu vasina, maske iha prekupasaun ki'ik balun husi comunidade ,maibe parte saude atende lais no esplika hodi comunidade balun bele komprende, no maioria comunidade iha suku sagadate, Aldeia Lalulai barak mak foin ba primeira Doze.
- 7) Hametin kooperasaun servisu ministeriu da saude no Igreja Fahe informasaun ba comunidade sira hodi nune'e bele comunidade iha konsensia rasik bele hola parte vasina oinsa bele hasae taxa partisipasaun.
- 8) Ai-moruk iha sentru vacinasaun la-iha problema, tamba pesoal saude sira sempre tau iha cool box ne'ebé mak seguru, no kuandu rai kleur oituan iha liur ami sempre truka hela de'it cool box, para evita bele estraga vacina. Observasaun hatudu, katak facilidade seluk sei iha problema, hanesan fatin ladun asesivel ba ema idozu no difisiente, kadeira limitadu, bee ba fase liaman kondisaun ladun di'ak, fatin klot, sanitizer la-iha.
- 9) Sociedade civil barak seidauk involve iha aktividade kampanha vasinasaun ho razaun iha sociedade civil laiha informasaun no konhesimentu ba vasinasaun, ministeriu saude munisipiu mos la involve sociedade civil iha aktividade kampanha vasinasaun ida ne deskobre iha Postu Saude Lautem no posto saude lospalos, munisipiu Lautem
- 10) Sociedade civil barak mak involve deit iha halo monitorizasaun ba aktividade vasina no la involve direita iha kampanha konaba vasinasaun nian
- 11) Komunitade balun preokupa ho sira nia aktividade tos tanba ne sira la hakbesik ba fatin vasina no mos autoridade aldeia no suku sira mos ladun aktivu fahe informasaun ba comunidade atu mai simu vasina, ida ne deskobre iha fatin vasina Sonamnasi, suku Cunha, Pante Makassar, Raeoa
- 12) Posto saude balun nebe sira nia area vasina kobre to area rural preokupa ho facilidade no lojistika hanesan transporte no kombustivel atu bele fasilita sira ba fo vasina iha area rural, ida ne deskobre iha sentru saude Railaco no posto saude sira rural no remotas sira

5. Rekomendasaun sira:

- 1) Maske apoiu lider comunidade sira hodi promove partisipasaun comunidade atu simu vasina aas ona maibe ida ne'e prezisa nafatin komitmentu pesoal saude, lider komunitaria sira hodi nafatin foti lideransa no kolaborasaun ba promove partisipasaun comunidade, iha possibilidade Ministeriu Saude presija aproximasaun liu husi instituisaun Igreja, Consellu Veteranos no antigos Combatentes, parte Akademiku sira no sociedade sivil sira hodi ajuda mos fahe informasaun ba comunidade hodi konvense comunidade hodi hakat ba simu vasina tamba comunidade barak mak sei tauk tamba balu asesu media sosial sira no hetan informasaun falsu tamba ne'e tenki kolabora malu hodi hasae taxa partisipasaun.
- 2) Ministeriu saude kontinua kolabora ho linha ministerial sira nebe halo kampanha ba vasina tenki foku ba stratejia no aprosimasaun comunidade nian oinsa bele konvense comunidade bele komprende didiak importansia ba vasina ne'e rasik. Dala ruma mos

presiza uza númeru dadus total ema sira mak partisipa iha vasina primeiru no segundu, hodi atrai liu tan partisipasaun, ho nune'e bele hasa'e koñesimentu, hadook lia bosok, inklui komunikasaun ba desizaun governu nian.

- 3) Fó atensaun jestaun ba fasilidade no lojistiku sira importante tebes, hanesan bee moos, fasilidade fase liman, Aumenta jeleira ou cool box rai ai-moruk vasina nian ba sentru saude sira ne'e importante tebes atu aseguara qualidade ai-moruk no hasa'e partisipasaun comunidade.
- 4) Asesibilidade, hanesan sentru vasina iha suku sira area remotas no rural , importante tebes nune'e atu nafatin servisu entre sentru saude/postu saúde ho lider comunidade inklui servisu hamutuk ho organizasaun ema ho defisiénsia hodi promove partisipasaun ema ho defisiénsia no Presiza kria kondisaun atu ema ho defisiénsia bele asesu vasina iha fatin hotu iha Timor laran tomak.
- 5) Ministeriu saude presija aprosima nafatin ba ferik no katuas sira bele simu vasina hodi nune'e bele hasae imunidade ferik no katuas sira nian maibe nafatin kuidadu sira nia saude no konsulta uluk antes sona.
- 6) Presiza hasa'e liu tan kampaña ba fatin rural sira, no iha fasilidade saúde kona-ba regra vasinasaun, kria kondisaun no organiza distánsia sosiál iha fatin vasinasaun nian. Kompletamente fasilidade ijiene nian iha fasilidade saúde, sintina, fatin observasaun no kadeira hodi fasilita comunidade sira bele sente konfortavel iha fatin vasinasaun. tamba rezutadu kampanha no sosiliaza importansia vasina ne'e konvense tebes comunidade sira mai vasina hanesan akontese iha municipiu Ermera no liquica no iha fatin seluk tan.
- 7) Ministeriu Saude presiza estabelese MoU ho parte sociedade civil iha kampanha vasinasaun ita teritoriu tomak atu nune bele kontribui ba hasae taxa ema simu vasina.
- 8) Husu Ministeriu Saude tenki servisu hamutuk ho MOP liu liu EDTL,EP atu aseguara nafatin elektrisidade sira iha Timor-Laran tomak funsiona diak atu nune'e bele aseguara aimoruk vasina sira hetan seguru no diak ba comunidade sira no ahi labele mate hodi prejudika ba partisipasaun comunidade mai vasina tamba comunidade sira mai barak vasina derepenti ahi mate labele fo vasina no comunidade barak mak fila fali ba uma ho distansia nebe dok.